

# Ko e puhala ke fakaaoga aki e Tiviaga Antigen Mafiti

Kehekehe e tau puhala ke taute aki e tiviaga nei mo e uta ni ko e faga fe ka fakaaoga ai. Loga he tau tiviaga antigen nei kua muitua atu ni ke he tau hatakiaga na i lalo, ka e nakai putoia oti. Fakamolemole ti muitua atu ke he tau hatakiaga he tau tagata kua talaga ai e tau koloa nei.

## Ko e mouaga he samopolo



Utakehe e suopo mai he faga.



Humaki e suopo nei ki loto he taha e pu ihu ke he 2-3cm mai ia he faahi he pu ihu.



Vilo fakaneene e suopo laga 5 ki loto he pu ihu. Fakaaoga e suopo taha ia, liu ke taute foki e puhala nei i loto he taha pu ihu foki.



Onoono atu ke he tau hatakiaga he puha ke fakamooli e tulā kua lata ke totou haau a tau fakamailoga he tiviaga nei. To fai kehekeheaga ai mo e uta ni kehe puha.

## Tiviaga he samopolo



Vevete kehe e foila ne toka i luga he lupu, ne kua toka ai e extraction buffer.




Humaki e suopo ki loto he liu he lupu. Vilo fakalahi e suopo laga 5.




Utakehe e suopo mo e vilo e suopo ke he paka he lupu, mo e peehi fakalahi e tau faahi ke fakatoka mai e vai he suopo.



Pa e lupu aki e pogoti kua tuku atu mo e poka fakamao ki loto he lupu. Lulu fakalahi mo e tata a lalo he lupu.



Fuluhi fakafohake e lupu mo e toto ai e samopolo fakamitaki ki luga he samopolo. Peehi fakaneene e lupu. Fakaatā e tau hihina tuga kua tohia ke he tau hatakiaaga, ke mokulu hifo ki loto he lupu he samopolo. Fakamolemole ti



onoono atu ke he tau hatakiaga he lupu nei mo e muitua atu ke he magaaho kua fakatoka ai ke kitia haau a fakamailoga he tiviaga.

## Totouaga he haau a fakamailoga ke he tiviaga


### Nekativi

Taha e laini ne tata atu ke he C ko e fakamailoga hanei kua nekativi e tiviaga.




### Posetivi

Ua e laini, taha ne tata ke he C mo e taha ne tata ke he T, ko e fakamailoga hanei kua posetivi e tiviaga.



### Totouaga kua nakai hako

Nakai fai laini ne kua tata kehe C ko e fakamailoga kua nakai hako e tiviaga nei.



## Fakailoa e haau a tau fakamailoga he tiviaga

Kua lata ia koe ke fakailoa haau a tau fakamailoga he tiviaga. Kua maeke ia koe ke taute e mena nei ke he My Covid Record. Hu ki loto he [mycovidrecord.health.nz](https://mycovidrecord.health.nz) poke vilo atu ke he vilo atu **0800 222 478** mo e peehi e fifiliaga ke 3.

Kaeke ko koe taha i loto he Close Contact Exemption Scheme, kua lata ia koe ke fakailoa atu ke he haau a pule gahua hagao ia ke he haau a fakamailoga he tiviaga.

